



Universitätsbibliothek Paderborn

Instructio Practica ...

De Conversatione Apostolica A Curatoribus Animarum piè & fructosè
instituenda - Complectens vatos & solidos modos juvandi & consolandi
diversorum Statuum Personas afflictas, præcipuè ægras & captivas

Lohner, Tobias

Dilingae, 1677

Memb. III. De cereo benedicto.

[urn:nbn:de:hbz:466:1-48248](#)

ipse, tum lectus in variis partibus assiduo aspergatur, diciturque: *Dominus te per virtutem huius aquæ, & à cunctis tuis peccatis mundet, & abluat, & contra omnes maligni hostis insidias potenter defendat.*

MEMBRUM III.

De Cereo benedicto.

I. **T**riplex potissimum finis est, ob quem cereus iste moribundis offertur. Primus est, ut per illum in manibus portatum testentur, se in vera Catholica fide mori velle, quem finem P. Gonzalex Medeiros Societatis nostræ Presbyter indicavit, dum morti proximus cereum accendi jussit, & post fidei Symbolum recitatum dixit: In hac fide institutum: in hac vixi: in hac moriar. Et ut lumen hoc oculos illuminat corporis, sic ego credo in Domino IESU illuminari omnem hominem venientem in hunc mundum. Secundus est, ut per hunc cereum ostendant, se in Christo, qui est vera lux illuminans omnem hominem, omnem spem suam ponere, que adeò per ipsum ad æternam lucem perventuros, ut ipsem promisit Jo. 8. dicens: *Qui sequitur me, non ambulat in tenebris.* Tertius, ut testentur se paratos esse velut fidèles DEI servos, Domini sui adventum præstolari; aut ad exemplum prudentum Virginum lampades oleo charitatis, & fidei luce instructas habere.

II. Unde triplex quoque officium circa hunc cereum ab Operario præstandum est moribundis. Primum est, ut usum & utilitatem hujus cerei ante, quam eo utantur, per occasionem illis ostendat. 2. Ut non exspectet horam ultimam, sed, quamprimum periculum propinquum mortis imminere advertit, eundem ægris porrigat, aut porrigi jubeat. 3. Ut, dum eundem infirmis porrigit, etiam affectus convenientes suggerat, quales sunt v. g. Nunc dimittis servum tuum, Domine, secundum verbum tuum in pace. Quia viderunt oculi mei salutare tuum. Lumen ad revelationem Gentium &c. Item: Illumina, Domine, oculos meos, ne unquam obdormiam in morte. Aut: Vade Sathanæ: Abrenuncio tibi, & adhæreo Domino meo

no meo JESU Christo. In hunc credo, in hunc spe-
re, hunc diligo ex toto corde meo. Sed & ipsum mori-
bundum alloqui poterit Operarius, & dicere: Age, mi Fili,
imminet hora, quâ venturus creditur Dominus & Judex tuus,
sint ergo lumbi tui per charitatem accineti, & lucerna Fidei
ardens in manibus tuis. Aut: Ecce, Fili mi, Sponsus ve-
nit, exito ergo obviam illi, & accipe lampadem charitatis, &
fidei, ut cum eo ad nuptias cælestes admittaris.

MEMBRUM IV.

De Christi crucifixi imagine.

I. **Q**uam potens & efficax medium ad Infirmos animan-
dos & roborandos sit hæc, de qua nunc loqui cœpi-
mus, crucifixi Christi repræsentatio, paucis hisce verbis fat-
ciare indicavit Philippus Servius in p. 1. c. 4. §. 4. Amicis fidelis:
Momenti plurimum, inquit, ad exprimendos ab x-
gro fidei, spei, charitatis, aliarumque virtutum actus, in la-
lutiferæ crucis exhibitione situm esse existimo, si nempe Ami-
cus fidelis Christi in ea pendentis membra sigillatim quasi lo-
eos Rhetoricos excutiat, quique lateant in singulis pietatis
sensus, quasi divini mellis latices, composita ad pietatem
oratione eliciat; ita olim Hebræi sugebant mel de Petra, o-
leum de saxo durissimo, Petra autem erat Christus.

II. Porro triplex præcipue hujus repræsentationis finis, &
fructus est, ad quem proinde obtainendum specialiter coope-
rari debet Operarius. Primus est, ut per hanc Christi cruci-
fixi effigiem velut potentissimum, ipsisque hostibus summe
formidabile telum ijdem hostes efficaciter arceantur. Unde
has aut similes aspirationes Infirmis suggerere ad hunc finem
oportet: Ecce crucem Domini, fugite partes adversæ,
vicit Leo de tribu Juda. Per virtutem Crucis de ini-
micis nostris libera nos, Domine JESU Christe. Do-
minus JESUS est illuminatio mea, & salus mea: quæ
timebo? Dominus protector vitæ meæ, à quo trepi-
dabo? si consistant adversum me castra, non timè-
bit cor meum; si exurgat adversum me prælium, in
hoc ego sperabo. Si Dominus JESUS pro me, quis
contra me?

III. Al-